

28. juli 2008

Nalunaarut nr. 795

**Neqeroorfigitittup neqeroorummik tigusinissaminut pisussaaffii aamma  
tigusinissaminut piginnaatitaaffii pillugit Kalaallit Nunaannut nalunaarut**

Aktieselskabit pillugit inatsimmi, kunngip peqqussutaatigut nr. 620, 23. juni 2008-meersukkut Kalaallit Nunaannut atuuttussanngortinneqartoq, § 20 e, imm. 6 naapertorlugu, aalajangersarneqarpoq:

*Pisinissamik naatsorsuineq*

**§ 1.** Aktieselskabit pillugit inatsimmi, kunngip peqqussutaatigut Kalaallit Nunaannut atuuttussanngortinneqartoq, § 20 e, imm. 1 aamma 2 malillugu pisinissamik naatsorsuinermi, aktiat taasisinnaanermullu piginnaatitaaffiit, neqerooruteqartup pigisai, taamaallaat ilanngunneqartarput.

*Imm. 2.* Ingerlatseqatigiiffik nammineerluni aktiaateqarpat, imm. 1 malillugu naatsorsuinermi taakkua ingerlatseqatigiiffiup aktiatigut aningaasaataanut ilanngullugit naatsorsorneqassanngillat.

*Atuutilersinneqarnera*

**§ 2.** Nalunaarut 1. august 2008-mi atuutilersinneqarpoq.

*Erhvervs- og Selskabsstyrelsi, ulloq 28. juli 2008*

OLE BLÖNDAL

/Grethe Krogh Jensen